

Aen Yozyau Maenhndei Swnjcienz Saw Vah Nem Vwnzva Bouxcuengh

传承壮语言文化的品牌学校

——Geiq Cangzdangz Cin Cunghsinh Yozyau Hong Cuengh Gun Song Saw Vah Sonhag

□ bonjbauq gicej Cinz Yungj Dangz Lungz



▲ 2012 nienz hagseng aen yozyauz neix camgya daengx gih siujhagseng aeu Vahcuengh byauhcuinj guh caizyi byaujyenj doxdax ndawde ndaej ngaenzciengj(daihngieih mingz).

◀ Gyoengq hagseng youq gwnz cauhcangz gvangqyub bingzbwd de guh caucauh.



▲ 2013 nienz gyoengq hagseng yozyau neix camgya Cinghsiu Gih cungh siuj yozyau yisuzcez diuqfoux doxdax ndaej itdaengjciengj.

Nanzningz Si Cangzdangz Cin Cunghsinh Yozyau dwg aen Cuengh Gun song saw vah sonhag sawqniemh yozyau ndeu. Lai bi daeuj, aen yozyau neix ndaej sevei gak gyaiq vunzlai bangcoengh, laemxsim roengzrengz, comz ndaej haujlai gingniemh banhhag, caux baenz vwnzva minzcuz gig noengzna, gak hangh saehnieb fazcanj baenaj, laebbaenz aen yozyau guenjeix ndeindi, hagseng cienzmienh fazcanj.

Ciuq cam rox, aen yozyau neix gaxgonq heuhguh "Cangzdangz Gauhgiz Siujyoz", 1917 nienz haindu laeb. 1949 nienz gajj mingz baenz "Cangzdangz Siujyoz", 2005 nienz caij gajj mingz heuhguh Cangzdangz Cin Cunghsinh Yozyau. Daengx aen yozyau gungh miz gencuz menciz 9296 bingzfanghmij.

Aen yozyau neix gak loih gunghnwnz sezsih caezcienz, gyauyuz gyauyoz sezbei ciuq guekgia it loih yozyau daeuj boiqmiz. Dangqnaj miz 19 aen ban, 800 boux hagseng; doenghboux yenzgungh sonhag de 40

vunz, ndawde 30 boux miz bwnjgoh yozliz, 9 boux miz daconh yozliz; 38 boux dwg siujyoz gaugaep lauxsae, boux ndeu dwg siujyoz itgaep lauxsae; 4 boux dwg Nanzningz Si gyauyoz guzgan lauxsae. Lauxsae boiqmiz ngamj ndei, yozliz hab iugouz, ciennieb naengzlig ak.

Gaenh bi daeuj, aen yozyau neix soucomz biensij bonj sawson ndaw yozyau gag sonhag de heuhguh 《Sawcuengh Vahcoenz Ngoenznaengz Gangj》, hawj hagseng hag rox Sawcuengh gvendaengz vahcoenz ngoenznaengz gangj; soucomz go Sawcuengh, hag ciengq go Sawcuengh; yozyau anbaiz moix singgeiz hwnj dangz bonj yozyau gag hai ndeu, hawj hagseng hag sawson bonj yozyau, roxyiuj fungsug sibgvenq Bouxcuengh.

Doengzseiz, vihliux hawj hagseng roxyiuj gij minzcuz conzdungj bonjndang, swnjcienz nem hungzyangz vwnzva minzcuz, aen yozyau neix moix ngoenz anbaiz dangz ndeu, cingj doenghboux miz dinfwngz de daeuj ndaw yozyau son'gyauq

dinfwngz Bouxcuengh: Baenzlawz guh ngaiznaengj haeuxcid ndaem、guh ceiz daengj; baenzlawz dajsan, diuq foux Bouxcuengh daengj. Aeu neix daeuj hawj hagseng roxyiuj gij lizsij vwnzva naekna bonj minzcuz gag miz de, beizyangj gyoengqde miz gij cingsaenz gyaenzmaij guekgia aeu gyaenz minzcuz bonjndang nem gyaenz guekcoj bonjndang guh cungsim.

Gaenh bi daeuj, baengh daengx-cungq lauxsae nem hagseng haenqrengz, aen yozyau neix guh Cuengh Gun song saw vah sonhag aeundaej haujlai cingzcik. 2011 nienz aen yozyau neix baij hagseng youq daengx gih gangj goj Sawcuengh doxdax ndawde ndaej samdaengjciengj, 2012 nienz youq daengx gih siujhagseng aeu Vahcuengh byauhcuinj guh caizyi byaujyenj doxdax ndawde ndaej ngeihdaengjciengj, 2013 nienz youq Nanzningz Si Cinghsiu Gih cungh siuj yozyau yisuzcez diuqfoux doxdax ndawde ndaej itdaengjciengj.



▲ 2014 nienz boux hagseng aen yozyau neix camgya Cinghsiu Gih doxdax gangj goj Vahcuengh ndaej vunzlai haenhndei.



▲ Cuengh Gun song saw vah lauxsae Lij Yinghbingz hwnj dangz Sawcuengh gig mizyinx.



▲ Gyoengq hagseng comz youq ndaw fandanz gwnz donz ngaiz bouj ndang mbouj yungh gyau ngaenz de.



▲ Lauxsae aen yozyau neix ciengzseiz comz hagseng hai aen banhvei gig saedyungh.



▲ Gyoengq hagseng miz caiz miz bonjsaeh, ngoenzcienz comz vienj cezmuiz dem angqyangz.



▲ Aen yozyau neix haeujsim guh lai baez cawjdaez gyauyuz.